



**Ассаламу гялайкум, дубурлантти!**

# ШИЛА ГІЯМРУ

## СЕЛЬСКАЯ ЖИЗНЬ



Дахадаевла районна жамигІятла - политика газета

№ 14 (8452) 2021-ибил дус.

Апрельла 9. ЖумягІ.

Багъа 12 кьуруш 32 кепек

### Районна администрациялизиб

#### Налогунни дурчнилчила гъай детаур

Гъалабван районна администрациялизиб гъар жумягІлизиб дурабуркІуси аппаратла совещаниеличиб ишдусла цаибил кварталлизир налогунни учидирхънила масъала ахъбуциб.

Совещание бетерхур муниципалитетла руководитель Жаруллагъ ГІямаровли бекІдеш дирнила удиб. Балбуцлизир бутІакъяндеш дариб шимала бургани, администрацияла аппаратла хІянчизартани ва подведомственный органтала руководителътани.

Жаруллагъ ГІямаровли ахъбуцибси масъалала къадричедешличила

буриб ва районна руководстволисра шимала халкълисра ил бегІла мягІничебси биъниличила ар-гъахъиб.

Налогунала ва налогунала ахІенти бетуцунала хайриличила баянти гъаладихили, гъайухъун районна бекІла заместитель Рабазан НухІкъадиев. Илала багъахъни хІясибли, арбъкунси манзилла духІнар мас-мулкис 33 ва ванзалис 22 процентла къадарлизир налогунни дучили сари. ГІур илини ардъкунти дусмала ил манзиллизир дучибти налогуначил цугдуциб илди ва дурадуркІути тяхІуртала

ГІяхІдешли мас-мулкла ва ванзала налогунни дурчнилчирли бюджет имцІабикІниличила багъахъур.

«Шимала бургас халкъличил иргъахънила хІянчи дурабуркІес хІяжатбиркур. Планти таманхІеда-рахІелли гъундури ремонтдирнила, шинничил адамти гІеббурцинила ва цархІилти халкъла яшавла даража ункъбирахънила хІянчи хІярхІидирар. Шила гъарил бекІли къайгъни дакІударес хІяжатси саби чула мер-мусаличир мас-мулкис ва ванзалис дурчути налогунни дурчнила хІянчи жигарчеббиахъес», - буриб Р. НухІкъадиевли.

#### ЧебяхІси Чедибдешла байрамличи хІядурбикІули


Районна бекІ Жаруллагъ ГІямаровли бекІдеш дирнила удиб районна администрацияла заллизиб совещание дураберкІиб. Илар мягІничерти масъултит хІердариб.

БекІлибуцисгъуна масъалари фашист Германияличибад ЧебяхІси Чедибдеш сархибхІейчирадли 76 дус диркнилис хасбарибси байрамличи хІядурдеш бирни.

Шадлихъла далдуцуни дурадуркІнила план пикрибирнилизир бутІакъяндеш дариб администрацияла бекІла заместительти ГІябдулхІямид Жамаловли, Рабазан НухІкъадиевли, Шамил ГІябдулкъадировли, Артур ХІямзатовли, администрацияла, организациябала, ведомствобала шайчирти отрасльлибала структурабала руководителътани.

Ахъбуцибси масъалала чевкад

гъайухъун районна бекІла заместитель Артур ХІямзатов. Илини буриб районнизиб ва республикализир



зибцунра ахІи, лебилра улкализибра мягІничебсилли бетаурси байрам ахъси даражаличиб дураберкІес хІяжатли биъниличила.

«Арбъкунси дуслизиб районнизиб гъарахъдешличи бузнила бе-

туц пикрилизи касили, нушани Чедибдеш 75 дус биънила байрамла далдуцуни онлайн-форматлизир дурадуркІибтири. Ишдуслизиб гъарли-марли шадлихъ дурабуркІниличил пикри бяхІчаиэс чебиркур. Илкъайдали лебталала иммунитет хІяжатсила къадарлизир биахъес чебиркур», — буриб ХІямзатовли, далдуцунала лебилра бутІакъянчиби вакцинаби дарахъес жибирули.

Сунела выступление даимбирули, илини илкъайдали аргъахъиб байрам дурабуркІнила шайчибси оргкомитетла совещаниеличир лерилра далдуцуначила баянти чедетаахъили хІердирути диъниличила. Илгъуна мягІничебси балбуц дурабуркІнилизир бутІакъяндеш дирутас хъарбаркъунира дедиб илини.

### ОБЪЯВЛЕНИЕ

Уважаемые депутаты!

12.04.2021 г., 10 часов состоится 6 заседание (сессия) восьмого созыва Собрания депутатов МР «Дахадаевский район» по адресу с. Уркарах в зале администрации МО «Дахадаевский район».

Убедительная просьба, Всем депутатам Собрания депутатов МО «Дахадаевский район» принять участие.

Повестка дня:

1. Отчет Главы МО «Дахадаевский район» об итогах социально – экономического развития МО «Дахадаевский район» за 2020год и задачах на 2021год.

Докладчик – Глава МО «Дахадаевский район» Омаров Д. Р.

2. О принятия решений «О внесении изменений и дополнений в Устав муниципального района Дахадаевский район».

Информация - Председателя Собрания депутатов МО «Дахадаевский район» Маишанова Г. М.

3. Отчет об исполнении бюджета за 2020 г. МО «Дахадаевский район»

Информация - нач. финансового отдела Магомедова А. А.

4. О внесении изменений в решение Собрания депутатов «Дахадаевский район» «О районном бюджете МО «Дахадаевский район» на 2021 год и плановый период 2022-2023года.

Информация - нач. финансового отдела Магомедова А. А.

5. Разное.

Председатель Собрания депутатов МО «Дахадаевский район» Г. М. Маишанов.

Ишди бурхІназиб мерличиб чуни чус гъуни чебиахъутала БархІилис хасдарибти далдуцуни дурадуркІниличила оргкомитетла заседание бе-

#### Оргкомитетла заседание бетерхур

терхур районна администрацияла заллизиб.

Заседание ибхъули, районна бекІ, оргкомитетла председатель Жаруллагъ ГІямаровли ца-лабикибтази РФ-ла Президентла «Мер-личиб чуни чус гъуни чебиахъантала БархІиличила» ибси ХІукмуличила гъанби-кахъиб ва комитетла цалабяхъ тасдикъа-риб.

Заседаниела бекІлибуцисгъуна тема сабри мерличиб чуни чус гъуни чебиахъантала БархІиличил дархдасахъи, дурадуркІути далдуцуни хІядурдирнила ва дурадуркІнила масъала пикрибирни.

ХІ. ХІямидовла уличилси ДЮСШ-ла директор ГІябдуллагъ Керимовли буриб «Дахадаев-арена» стадион шадлихъла далдуцуни ахъси даражаличир дурадуркІес багъандан бегІлара гІяхІси мер биъниличила. Чуни чус гъуни чебиахъантала БархІилис хасдарибти далдуцуназир бутІакъяндеш дарес дигниличила

лебтанилра багъахъур.

Байрамла бархІи чемпионтала, муниципалитетла служащийтала ва жамигІятла хІяракатчибала, саби хІербирути мерначир яшавла-экономикала масъулти ирзниллизир жигарла бутІакъяндеш дирантала хІурматбирнила, илди мубаракбирнила ва шабагъатлабирнила далдуцуни дурадуркІути сари.

Спортла, бахъал адамтала бутІакъяндешличилти далдуцунира датурхар.

Чебиахъуси саби концертла.

Лерилра далдуцуни ахирличи дикили гІергъи ифтар дурабуркІуси саби.

Информационный центр.





## ХъубяхІрумала байрам

Гъар-урла гІядатуні деткайхъули бахъхІи хІертири: гъачам дяхІили сари бикІутачил ну гъеч къабулли урзули, гъачам маркали, ахирра са-



ахІенра. СенахІенну, нушала районна шимазир илди мурталра дусахъули сари.

Илдазибад ца саби хъубяхІрумала байрам, сабира биштІатасра халатасра цаван дигахъуси.

ХІебли ишдуслизир дакІудироти ванадешла азгъиндешличи разиарти Дахадаевла районна шимала

даиб хІеб. Ванадеш къунзбухъун дубуртикад ва авлахъуникад.

Байрамличир районна лерилра шимала бурганира учреждениеби-организациябала жавабла хІянчизартанира бутІакъяндеш дариб.

Шантани хІядурдарилри гъарушла хъабнира бизити хурегунира. Алавти шимазибадра бакІилри бахъал гІяхІли.

Авлахъличиб хъубяхІрумала байрам беХІбихъайчи гІяхІлас разили ва шадли гъунибаиб культурала Юртла зирнявчиби ва Трисанчила урга даражала школала ученикуни ва педколлектив.

Трисанчила шила дублабси майдайчир демшанти минала бегІтала дурхъати гІядатунас мартицун ахІенну, ванза бузахънила ва мицІираг адилкънила шайчибра бурибтира саби.

Илис бикъридеш дирули, ишдусра Дахадаевла районна Трисанчила шилизир, гъар дус къяйда цаибил гъаршла байрам дураберкІиб.

ХІебла лишанти чедаэс шанти

жур далай делхъ. Балбуц устадешличил бузахъулири тјамада Трисанчила урга даражала школала завуч Аскандар ХІяпизовли.

Илини бегІ гъалаб гъай далай-делхъла усгнази бедиб ва ПатІимат Меджидовани балбуцличиб сунела жагаси тІамаличил далай зайбухъахъун.

ГІур гъай бедиб «Дахадаевла район» муниципальный цалабахъла бекІ Жаруллагъ ГІямаровлизи. Илкъяйдали бакІибти гІяхІлазира гъай бедиб. Илдани мубаракла дугъби дуриб, маза-мас, хъуми, гІямру дерхъахъес балга-дугІя ва дезни дариб.

Далайчиби Шарип ХІусейновли, Арсен ХІясановли, ХІямид Рабазановли ва цархІилтани жагати далуйти зайдухъахъун.

Миллагла палтарличил бегІбиубти школала бучІантани жагати делхъ

ГІядат хІясибли дурхІнас хІулега — къуцІри дубурличирад гердатур, ва цалабикибтас дугІиб.

— Нушала балбуц гІеббуцибти ва иличир бутІакъяндеш дарибти лебтасалра уркІи-уркІилабадси баркалла. Балулра, ишбархІи нушачи районна лебилра-сера шимала бурги ва районна администрацияла бахъалтигъунти хІянчизарти бакІили саби. Илди лебтасалра уркІи-уркІилабадси халаси баркалла, вики СПК-ла председатель ГІябдурашид БяхІмудов.



чедаахъиб.

Шила жамигІятли ва бакІибти унра шимала халкъли эркинти къумурти-алав разили замана дураберкІиб.

Цалабикибтас дебали гІяхІдизур шила халакабаибти адамти ХІяжиев ХІябибли ва Амирбеков Къурбай дурибти балгни ва делчІунти гъар-урла далуйти.

Шадлихъ даимбарес авлахъличи дурабухъун ва цаибил гъарш каахъес хІурматла хъубзара СалихІов Амирарсланничи ва Ибрагъимов Разакъличи хъарбариб. БегІ гъалаб илини каиб гъарш, гІергъити гъаршани билли — илала зилантани. АнкІи дегІун, балга-дугІя делчІун.

Цаибил гъарш каибси урибси хъубзара Амирарсланни ва дуразла гІели буцайчи хІерли кайибси, унци гъардуцибси Разакъли «Гъу — гъария!» иб. Гъели велгІес вехІихъибси шанти-ургав асилси бузерила адам сайливан урусири ил бахъли.

Хъубзурани чула асилси хІянчи беХІбихъибмад, илдачи, гІергъибкили, къадуба иртути жагъилтала ва ургарти гІямрула адатала къукъя халаси разидешлизибри.

Илис гІергъи дехІидихъиб хІязла абзани: уршби-рурсебала гъархъдешличи дуцІ, шимала бургала ва СПК-бала руководительтани гъая зузбарни, гира иргъни, мурул адатала някъбала цІакъ чебаахъни ва дахъал цархІилтира.

Ахирличир абзаназиб чедибикибтас савгъатуні, жузи, дусби ва арцла шабагъатуні дедиб. Байрам разиси аги-хІяйчиб таманбиуб.

Балбуцла жигарла бутІакъянчиби



ва спортла абзаназиб чедибикибти ХІурматла Грамотабачил ва арцла премиябачил шабагъатлабирниличила багъахъур. Трисанчилантала хъубяхІрумала шадлихъли хъум-хІертести гъанбикуні калахъун лебтасалра.

Дерхъаб хІушала хъуми, маза-мас ва гІямру.

Дерхъабая, дахадаевланти!!!

**Нушала корр.**





Газли дубурла шимази гъуни кабердайчи, дузани, дуки хІявкунси дубурлан мажахІят кършиикес. Гъарилла хІули хІєрбизур бургар шурмачирти диштІати кІурмачи мешути гІямрачи. Илди дусмала духъяндешли шинна кІунтІрани дарибти гІямри-кІурми сари. Пайдалати сари илдара арцантас. Илди кІурмазир шин дахъІи дуардегъти аргъ-бархІилизир гІинизла мер бурцу арцантас Бухъяна кърдъудили айхъу сунес шинна кІантІ, аькабяхъили заки биру Аллагълис балга: хІялалбати иш нушаб шинни бицибикІабатІ. Сагаси жуз дуракаалли, сунела биаб, сунечила биаб, вахъІила юлдаш Ибрагъимли бусъІят набчира бибахъу. Вируси илис баркалла хІейкІес?

Сагабиубси дуслацаибил базличибра ца гІянжикІа мужяллатукначилси жуз бархІиб. Сурат кьалли Ибрагъимла саби. БелкІунси М Р Багомедов.

Чи вирусив М Р БяхІяммадов? Муса Расулович хІейалли рахли? -- каберхур пикри. ХІянкадиубти бекІла гъез,гъарахъ хІердикІути хІулби, пикрумани дицибтигъунти ранг, галстук сурхІябатурли, гІядатла адамтаниван чеди дурабатурси хІевала хъябцІари, цІудара свитер. Суратла удид -- Не важно, кем станешъ, важно кем останешъся». Сен гІяхІли далдикилил гъарилличи, къапІа-кІана бихути инсунтаци. Илала удир халати хІурпрачил -- Профессиональный прозаик и педагог.

-- Иличи хІура валик, саби хІецира балбик, -- дигахъаси викІуси урибси психолог.

Гъаргбирулра мужаллат, илаб иш белкІла кымат: Дорогой мой друг коллега Багомед! Не знаю имею ли я право ставить свой автограф в эту книгу Я очень рад, что он (Муса) обратил внимания на мое творчество. Быть может, это благодаря тебя, мой уважаемый муалим. Как бы там ни было, желаю крепкого здоровья много новых произведений, которые всегда радуют наших читателей.

Твой автор: биштІаси кълбас ва 12. 01.21 г. Кица.

ГІяхІли валуси сай Мусара, дудеш Расулла, делчІунти сари диштІати белкІани-хабурти Рашидлара.

Илдицуну? Дургъбазир яра цархІилти хІянчурбазир чедаахъибти гъунартас лугуси зубари хІебалуси хІергар. Зубари кьугъабарибси саби уржибти шел къллили. Вузлизиб (ДГУ) бучІухІели, лебтири илди, цархІилтас мисалли биєсти,

шелцад: худуцІлан Муталов Расул, меусишан Салихов МяхІяммад, къялклан Туллухъа талхъан ГІябдулла, журмукан ГІямархІяжи.

Илдазибад кІел: Муталов Расул, БяхІяммадов Муса гІилмуртала докторти -- професорти бетаур. Докторла хІянчилис материал бурчухІели, Муса Бускрира вакІибсири. Азбарлизиб тьянши тІамала бакъили, гъаргала гъаввакІира.

ГІяхІял виккар, -- чехиб тІама. -- Стук гостя -- это песня для меня, -- Расул ХІямзатовла дугъбачил жаваб чарбарибсири.

ГъалакІира, БяхІяммад, чумал шилизи хъурали ваєс гІягІнили саби, хурегличи малхъад, -- бизахъур кайибмад.

Цаибилгъуна, узис ват, дубурлантала гІядат нуша хъяшнани булхъахІев, асубирусив?

Кіибиблгъуна, гІяибхІебирув кІилисалра дила юлдаш, хІела дудеш Расулли? Се или илала дяхІла викиша чяйлара хупІхІебарахъили вархъадли. ХІябъсил викІадли, гъалакти шин урхънази хІедиур бикІар нушачиб. Валтарав Бускрантани ада-адачила бузахъуси гІядат буи вархъадли. Гумайла агъули ца гІяхІси масхуртала жуз лукІа гІур набчила.

Халадеш сунези хъурахІедиубси, адамдеш дарх дихуси мялхІямли гъайкІуси, дигичевси виъни балусири учительли чула шилизив узухІейчивадал.

Неш ребкІнила хабар бакъибмад, Мусала цакурслан Салихов МяхІяммад гъалаксатур.

-- БяхІяммад ХІяжиевич, дила юлдаш Мусала неш ребкІнила хабар бакъилра, Уркарахъиб набчил хІерли ГІямархІяжира ГІябдуллара лебти саби, хІела се къаса льявкъяду.

-- Ну хІерлира, дуравхъен.

-- ХІера, иш машина, кайи. Чуйнара Мусани набзи гъанбушибсири «Дила пикрили, жуз дураєс хІела материал бургар. Ибрагъимли, дудешли кумекбируну пикриухъен, багаладиєсти макъалаби сари дурадухъунти.

Къабуликира. -- Хебиалли, буца някъ, -- бизахъурсир муръаначи кади-ибхІели.

-- Аллагъли гІевхІевцалли секІал барес хІейрар, -- бикІули бирар нушачиб.

Нешла у бихуси рурсила тІама булхъэс бехІибхъиб. Раиб Ленинградлизи. Операция хІебарилли гІяхІибрихІе кабикІули, вецІна Ленинградлизи раахъиб. Хебиуб дисла кумек агарли гІяхІбарес...

Къяна бетаур Мусас. Гъаннара уркІиличибад чераркІули ахІен. Чевверхесара ил набчивад.

М. Горький викІусири: «Талантливыми не рождаются, ими становятся благодаря упорному труду». Илис Ибрагъимли азгъиндеш хІедариб. Бикъруми дурадухъунти, бучІантани дигиличил къабулдарибти хабурти, новеллаби, повестуни, роман. Шайх Рабаданов викІуливан.

Ясир сайри жявли хІу МягІна мурхъси прозала. Чула шан нуни ГІялиева: Къим-къимдарили чугур, Дамкъур дяхІ шаладиран яра

Гъуни буцили шалал Ахъли гъалавахІ вашан. Ибрагъимличи пикри сунеласун бяхІчиаиб нуни даргала. Пушкиннизи халируси ахъушан ГІялиасхІябли (бархли лукІулла).

Исла лебси хабарчи ИркІла лебси ибанчи, Ирчингет багъирачи, Инсап лерси духемчи

БяхІяммад ХІяжиев -- Кіиша ХІуни давла бучири Халкъ ургаб баркаллала.

Ибрагъимла творчестволичи гъира-иштяхІиличил хІербизур писательти гІялимти, журналистуни, мугІялимти, бучІанти. Лебталалра гъанахъес имкан хІякъян, дила пикрира чучи дитІакІибтала белкІани гъанахъес къасбирис, чуни дурибти мезличил.

Арбен Кардаш, народный поэт Дагестана.

-- Ибрагим Ибрагъимов на сегодняшний день один из ведущих прозаиков Дагестана, ряды которых, к сожалению, не так уж и густы Виктор Викторенко, поэт; «А вы настоящий художник слова! Все целью как песня.

Марат Гаджиев, известный художник, главный редактор газеты «Горцы»:

-- Захотелось поехать в старый аул, зайти в школу, позвать Ибрагиму руку и сказать: «Как хорошо, как тепло на душе от таких рассказов»

ГІ. ВяхІидов, литературовед; Ибрагимовли балули сай Л. Н. Толстойли дурибси «Глаза зеркало души» ибси пикрила хІекъдеш.

«КъантІдеш -- пагъмула бузи саби» викІуси урусла машгъурси хабарчи А. П. Чеховла устаханализивсигъуна сай даргала писатель»

Зубайдат Хизриева, филологияла гІилмуртала кандидат: «Авторли къантІси хабарлизи арагІеб повесть белкІесцад пикри кабирхъули сай. Илгъуна гІямал баргни гъайагарли,

авторла художественный умцІаба-ла шайчибси гъарбизлизи халбарес вирар.

Ну литературала критик ахІенра. Поэтуни-писательтани делкІунти делчІес къайгъилизивси учІан сайра, эгер илдала жузи дикалли. Гъанна жуз-газета бучІусира варгес-ра гъамадли ахІен.

Лебилрара -сера, телефонталара, интернетуни компьютертала рягІятлиу бикили, хІулби сукъурдияйчи илдазиб хилтІиркабикуси манзил-замана биєс. БелчІунси жузлис ну вегІси пикри бурес, вайсира гІяхІси-ра декІарбарес бара-бара бурсикай-убли ургус или гъанбиркули саби. Бахъал писательти-поэтуначила дахъал гапла гъайличил чула пикруми дурадатурси авторти кършихІебикиб, 1973 ибил дуслизиб дурабухъунси «Слова о Расуле Гамзатове» ибси халхІебаралли.

Ил сархибдешра Ибрагъимла мухІлила гъайлизибцун батес асухІебирар кьалли. Халкъ ахІену илди-декІар? ДеркІибти дусмани бухъутІсабахъибси кІапІи някълиу бакІиб. Илар Умурайбат ХІясановала кІел назму: Дагъистан. Бархъдеш. Бархъдеш назмула бехІибхъудлизир ишди тугъи:

Бархъдеш -- шалал къиблама Бархътицун хІербикІуси, Бархъдеш -- дурхъал жузлама Бархътаницун бучІуси.

Иш сунечила ну гъайикІуси жузла-мализивси Ибрагъим Ибрагъимов сайра таманни халкъла уркІурбази гъуни баргес валкъаурси кІишан, валлагъил гІязимрагу, халкъла писательла уличи, вас васдеш агарли, ваикили сай. Муса Расуловичли, жузла авторли, кумек бирниличи дирхалаличи хІерикІес дигахъасри.

Далилти лер даари, кІантІхІейкІалли дукІари, биалри дила ахъри, пешкешбираси валри.

-- Он скуп на слова, хотя и щедрый на добрые дела -- ибти дугъби-ра шивкІивдарибтири ПатІимат Хусруевани. «Дугъбас къркър виадра, хабарла баркъуддумас хІябилра сахаватри», -- шурдалтулра нунира.

«Троческие презентации» ахІену илис бикъри, «Фотообозрение книг» суратунани мардешлис биру «круг», кабахъили ца нугъру.

-- ХІердикІехІе хІер..., -- викІи ГъазимяхІяммад

-- Кадалтахъен, Аллагъ нур, -- викІар бускран БяхІяммад.

-- Амин эстилла айхъур, гъарбизахъесли мурад

Къимбара кІишан чугур, булхъесли Къяба дубур, бат-батаили ургъур, юргъли дуц бара айгъир.

**Б. ХІябибуллаев,  
Бускрила ши.**

### Даргала халкъла буралаби

\* Ханжа дяхъи аракабирар, вайси мухІлила гъайла дяхъи арахебирар.

\* ГІяхІял хІешуси хъали хъали ахІен.

\* МяхІебикІул житани гІяш халал буга.

\* Анкъилаб цІара цІаличиб шангра далдикили дирар.

\* ХІянзанзиличибад жанай вава хІебашар.

\* ГІямру зукъити шинниччи мешути сари.

\* Хъулки талхъайчивра цІакъси сай.

\* Хъулки бегІ гъалав кумекличчи вашар.

\* Дудеш вебкІалли -- гъачам цІуръа, неш ребкІалли -- верхІина.

\* Янилизиб дяхІи -- хъумас хІяка, хІеб дяхІи -- бекІлис балагъ.

\* Къясдеш вайси журала милиакъ саби.

\* Юртла вегІлис азбар хІясибли кымат луга.

\* БекІ биалли, къапІа бирар, вегІ виалли -- юрт.

\* ХІялалси бузериличивли жявли давлачеввиєс вирус ахІен.

\* Къркърла мас сахаватсини бука.

\* БукІунничирти дигили, букІунна хяра дигахъу.

\* Хъулкилис ца бунагъ, масла вегІлис -- даршал.

\* Адам лебтасалра гІяхІсили ви-єс вирус ахІен.

## Зубартачи гъуни гъаргбарибси

Юрий Алексеевич Гагарин космослизи арцниличила чуйна кинобазиб ва телевидениебала передачабазиб чебаахъаллира наб гъанбиркухIейчибадли дила уркли пахрули бирцусири ва гъанна урклилизи зурбаси разидеш кахIебурцусиван билзан ил нушала Игит уршили чебяхIси баркъуди дураберкIни багъандан. Дунъяличиб хIербирути ишдицад гIялам халкълизиб цаибси АДАМ ветаз багъандан сецад гъабзадеш, игитдеш, гъунар... дие хIяжатли? Илгъуна къадричебси ва мягIничебси гъунар сархес багъандан чIянкIли СССР-ла ванзаличив акIубси ва черикIла бяркъра касили, урхIмешуахIенси чархла къуватра лебси багъадур сай лайикъибси. Дунъяличиб инсаният лебалцадхIи хIебилшуси ванзалан зубари ветатурлири сай икъяйдали нушала улкалан урус урши. Суненира мусни-зубрала ургаб зубартачи бегI гъалаб гъуни гъаргбарибси. ЧIянкIли ца «Гагарин» ибси девли бархли гъанна 60 дус нушала улкаланталацунра ахIи, лебилра ванзаланталара уркли ца гIяжаибли ванабирахъули саби. СенахIенну ишхIелла манзиллизиб халаси къадри лебси космослизиб ил арцурси сай ва ца шайчибадли бегI гъалаб ванза чебаибси сай. Илала дурабадлира, ванзала дурабси мер сегъуна сабил хIеризес имканбакибси саби.

Апрельла 12-личиб сегъуна анцIубкъ кабикибсил гъарил нушала улкаланталацунра ахIи, цархIилти ванзалантанара дай дугила муриси гъанкIлизибхIелли хъарбаалли, ташмишдеш агарли, бархъси жаваб чарбалта: «СССР-ла гражданин Юрий Гагарин космослизи арцурси сай» или. Бархъси саби СССР-ла манзиллизиб нушала чебяхIси ва жагаси улка дунъяла улкни-ургаб гъар секIайзиб гъалабсири. Илгъуна улкала ахIи адам бегI гъалаб ванза гIелаб батурли, цархIилти зубартачи гъуни гъаргбирули, арцес хIейри.

Ге, сунес дигусиван хIялалси бузериличил ва халаси талихIиличил паргъатли адам хIеризети СССР-лизир ва узити улкназирцун имканти лертири. ИшхIелла манзиллизирван гIяйибагартти жагъилти кабурушули, бирхъули... хIила хIуркIби кадухъи хIедирити хIелли. Советский адапти гIилмулизиб, бузери-

лизиб, культурализиб... гъалабяхI башутири ва игитти баркъуддуми дурадуркIутири.

1961-ибил дуслу апрельла 12-личив Юрий Алексеевич Гагарин бегI гъалаб космослизи арцурхIели бурибси «Поехали!» ибси дев космонавтикала тарихлизиб мургъила гъайкарван къимат ахъсили ва сагати зубартачи гъуни гъаргбируси ванзалацад битIакI абаибси умхъуличил цугбуцес вирар. Илгъуна анцIубкъличил бархбасахъи, илхIейчибадли апрельла 12 космонавтикала БархIилизи халбируси саби.

Ил тарихлашал илис гъалаб хIебиубсигъуна анцIубкъ кабикибси бархI «Байконур» космодромлизибадли «Восток-1» космический корабль летчик – космонавт Юрий Алексеевич Гагарин ухIнавли гIилмулашал ва адамлa гIямрулизиб лебгIеб халаси къадри лебси баркъуди дураберкIибсири космослизи арцниличибли. Ил баркъудили Советский Союзла чебяхIдеш ва зурбадеш якъиндарибсири, лебилра ванзаланти тамашабахъубтири.

Юрий Алексеевич Гагарин акIубси сай 1934 ибил дуслу мартла 9-личив Смоленскла областла Гжатский районна Клушино бикIуси шилизиб хъубзарла хъалибарглизир. Дургъби тамандиубли гIергъи Гагаринхъала хъалибарг Гжатск бикIуси шагъарлизи гечбиубтири. Ю. Гагаринна хIурматлис илкъяйдали нушала улкализирти дахъал шимас, къакъурбас илала у бедибси саби.

Гагаринни 1949 ибил дуслизиб 6-ибил класс таманаибсири ва Люберецкое ремесленное училищелизи керхурсири. 1951-ибил дусличивадли Саратовла индустриальный техникумлизир учлес вехIихъибсири. 1954 ибил дуслизир Юрий Саратовла аэроклублизи вакIибсири. 1955 ибил дуслизиб Як-18 самолетличив бегI гъалаб арцурсири.

Ил дуслизир Оренбургла авиационное училищелизиб учIахъес вархъибсири. 1957 ибил дуслизир Ю. Гагарин Мурманскла областла Луостари бикIуси шилизир истребительная авиационная дивизиялизир къуллукъбирес вехIихъибсири.

«Восток-1» корабльличив арцес багъандан космонавтуни биркIниличила багъурхIели, Ю. Гагаринни рапорт бедибсири кандидатунала

къукъялизи къабулварахъес багъандан. 1960 ибил дуслизир клел медкомиссия дурадеркIили гIергъи, ил космослизи арцес вирниличила багъахъурсири. Пачалихъла комиссия къяпIси заседаниеличир Юрий Гагаринна биографияра цархIилти баянтира лайикъитаз халдарибтири. Юрий Алексеевичла дублер сайри Герман Титов.

Космослизи Ю. А. Гагарин ухIнавли арцурли ванза-алав ласбухъи, космос чарбухъунхIели космонавтлис майорла у бедибсири. Илис Москвализиб лебгIеб халаси хIурматличил гъунибаибтири ва Советский Союзла Игитла у бедибсири. Хрущевли багъахъурсири ил цаибси «СССР-ла летчик-космонавт» виъниличилара. Брежневли илис Ленинна орден ва «Мургъила Зубари» дедибтири. «Даршудешла жавабкарси хъарбаркъ» таманбирули, Юрий Алексеевич вьякунсири Чехословакиялизи, Болгариялизи, Финляндиялизи, Англиялизи, Польшализи, Бразилиялизи, Кубализи, Исландиялизи, Венгриялизи, Индиялизи, Афганистаннизи ва цархIилти улкнази. ИлхIели ил хIурматличил ва дигиличил къабулвирусири илди улкнала бургани ва азирти адаптани. Космонавтикала бархIиличил бархбасахъи, нушала улкализир дурадуркIути сари дахъал мягIничерти далдуцунни: мажлисуни, диспутунни, гIилмула конференцияби, культурала ва просвещениела учреждениебазир гъунибаъниби ва цархIилти. 2021 ибил дус Россиялизиб гIилмула ва технологияла дусли багъахъниличил бархбасахъи, илди далдуцунни тIинтIли дурадуркIесра хIяжатси саби.

1961—1968-ибти дусмазир Гагарин Жуковскийла уличилси Дявила-гъавала академиялизир учIусири. Илаб белчIуди хъараахъурхIели илини «летчик-инженер-космонавт» ибси санигIят касибсири.

1964 ибил дусличивадли ил космонавтуни хIядурбируси Центрла начальникли катурсири, СССР-ла депутатра сайри.

Ю. Гагаринна гIямрулизиб мусибатла анцIубкъ кабикибсири 1968 ибил дуслу мартла 27-личив УТИ МиГ-15 самолетличив арцурхIели. Ил сомолетличиб бехIемцI каби-

кибхIели чевяхIси космонавтличил варх полковник Владимир Серегинра левсири.

Дунъяличир хабардерхурси урши айкъурти бегIти гIядатла адаптири. Дудеш урца уста сайри, неш МТФ-лизир рузусири. Юрий Алексеевичла гIямрула марси гъалмагъ Валентина Горячева медицинала хIянчизар сарри. Илди хъайчикабиитири 1957 ибил дуслизиб. Илдала хъалибарглизиб клел руси акIубти саби Еленара Галинара бикIути. Хамдеш-халадеш агарси, дебали гIяхIти хIял-гIабигIятла адапти сунела хъалибаргличир халаси пикри бяхIчиусири ва хIурматличилра дигиличилра хъунула русибир гIеббурцуттири. БегIтигунти адабчебти ва яхI-ламусла бегIтили халакабаиб илдира. Халалгъуна русила Екатерина бикIуси русилер. Галинала уршилис дудешла хIурматлис Юрий ибси у бедибсири. Юрийлара 2017 ибил дуслизир урши акIуб. Илкъяйдали багъадуртала къам даимбиубли саби. Гъанна Юрий "Дальневосточная концессионная компания" ООО-ла генеральный директор сай.

Космонавтикаличила гъайикIухIели, цагъатIи чевяхIси адамлличила гъанбушни лайикъли чебиулра. Ил сай бекI конструктор Сергей Павлович Королев. Илала у дигIянбирусири ил мицIирли левая, сенахIенну илгъуна адамлс ламартдеш дарес асубирусири ит манзиллизиб нушала улкализир космонавтикала гъалабяхI хIебухъяхъес багъандан. 1966 ибил дуслизир ил вебкIили гIергъи, сарри нушала улкализирра иличила баянти адаптати даибти. Илдини сарри бегI гъалар космическая ракета ва аппарат, ванзала цаибил спутник дарибти, бегI гъалар космослизи мицIираг датаибти, Бацличи бегI гъалаб луноход бархъибси, космослизи бегI гъалаб адам арцахъурси ва цархIилти дахъал черяхIти баркъуддуми дурадеркIибти. С.П.Королевлисра Советский Союзла Игитла у бедибсири.

Юрий Гагаринни биштIатас хасдарибти «Ванза чебиулра» ва «Космослизи гъуни» бикIути жузи делкIунти сари. Лер дахъал жузи Юрий Алексеевичличилара. Илди 60 дуслу духIнар чеалкIуси наслулс игитдешла, гъабзадешла, чекай-зурдешла, бархъдешла, ... дурсерили детаурти сари ва гъаннала гIергъира дурхIнас чебяхIдешличи бархъси гъуни гIеббуртули детарар.

ПатIимат Къурбанова.

Ишдуслу апрельла 3-личиб Иванкутанна таманни ахIенси урга даражала школализир мугIялимтала къукъяличил доцент ДГУ-ла, Дагъиста халкъла собранияла депутат Рабаданов Муртазали Хулатаевичла кумекчи, Дахадаевла районна ЦРО-ла бекI специалист Мурад Алжанбеков

## МугIяллимтачил гъуниваиб

гъуниваиб.

ЧеалкIуси наслулс бяркъ бедлугниличила, белчIудилизиб ахъти багъудиличил декIарбулхъути дурхIначил дурабуркIуси хIянчиличила, ученикунала бегIтачил

мугIялимтала бархбасличила ихтилат дураберкIиб.

Химияла, биологияла учитель Рабаданов Джахпар гъайухъун:

-- «ХIукуматла белчIудила программабачи гIалабуни дахъдикIулихъалли, дурхIнала белчIудиличи гъира камли сари, мугIялимла дарс кабирхънила устадеш -- белчIудиличи дурхIнала диги акIахънилизир бекIлибиубси хъулчи саби».

Школала мугIялимти барибси ремонтлис, школала юрт жагаси даражаличи бикахънилис Дахадаевла районна бекI Гямаров Жаруллагълис баркалла бикIулри. МугIялимтала кагъуртала лукIнила

хIянчурбала дахъдешли, ученикунас бяркъ ва багъуди лугнилис замана камбирули саби.

ДурхIни телефонтачил пайдала-бикIни багъандан, белчIудилис замана камли калгни ва дурхIначи вайси асар бирули саби – гъайухъун школала директор Кабчуев Р. Г.


Челябкъуси белчIудила дуслизиб мугIялимтала пикри саби гъар класлизиб учIуси учениклис мурхъти багъуддуми ва лайкъси бяркъ дедес. Районнизиб, республикализир дурадуркIути олимпиадабачир школала ученикунази чедирти мерани сархахъес ва школала рейтинг ахъбуцес.

Иванкутанна школала дарган мезла учительница Кабчуева М. О.





# В СВОБОДНОЕ ВРЕМЯ

ГЛАВА АРМЯНСКОЙ ЦЕРКВИ	ЗАКУСЬ ДЛЯ КОАЛЫ							ТРЕУГОЛЬНЫЙ ПАРУС							
				ПЕРВЫЙ, КТО НЕ ЗНАЛ РЕВНОСТИ	ГОРОД, СТАВШИЙ РОДНЫМ ДРУГОМУ		"ПРОЁМ" МЕЖДУ ШТАНГАМИ ФУТБ. ВОРОТ		ИСПОЛНИТЕЛЬНАЯ БУМАГА У ПРИСТАВА		ВЗДОХ ПОСРЕДИ ЗАТИХАЮЩИХ РЫДАНИЙ		АНТИЧНЫЙ ЗЛАТУСТ		
				ЗМЕЯ С УДУШАЮЩИМ НРАВОВОМ	ТОНКАЯ ТКАНЬ ИЗЯЩНЫХ СОРОЧЕК						НАСЕЛЕННЫЙ ПУНКТ БЛИЗ ДИКАНЬКИ				
							<b>1</b>		ИНТИМНЫЕ ОТНОШЕНИЯ		СТРЕМЛЕНИЕ НАЙТИ НУЖНУЮ ИНФОРМАЦИЮ		УГОЛ ДЛЯ ОРИЕНТИРОВАНИЯ		
				ШЁЛК ОРДЕНСКИХ ЛЕНТ	МУШКЕТЕР ПЕЧАЛЬНОГО ОБРАЗА					РАСКРУТКА ПЕВЦА					
	ЗВЕРНЫЙ ПУТЬ К ВОДОПОЮ				ЗНАК ВЫЧИТАНИЯ В ГРАММАТИКЕ					К НЕМУ МОЖНО СХОДИТЬ ЗА СОЛЮЮ		ЮРИЙ С ХИТОМ ПРО ПЛОТ		БАШЕНКА НА ШАХМАТНОМ ПОЛЕ	
	ПРЕЖНЕЕ НАЗВАНИЕ ПИРАТА	ИМЯ ПОЭТА, ВОСПЕВШЕГО ДАГЕСТАН	ПРИЧИНА, НАЙДЕННАЯ ДЛЯ ЗНАКОМСТВА					СЛАДКАЯ ОБМАНКА В "ОРБИТЕ"							
			КНЯЖЕСКИЙ СЛУГА В ДРЕВНОСТИ	ТУЛУПНЫЙ МЕХ	МАРСЕЛЬ, СОЗДАТЕЛЬ ПАРИЖСКОЙ ШКОЛЫ МИМОВ		<b>5</b>			ВОДНАЯ ЗАВОДЬ НЕЧИСТИ					
	СЕВЕРНОЕ СИЯНИЕ ПОДРУГОМУ	ЗАБОТА О ПРИБОЛЁВШЕМ							ДЖИП ОТ КОМПАНИИ "КРАЙСЛЕР"	ЕГО ПРОСИТ УСТАВШИЙ ПУТНИК		ФУТБОЛИСТ ... МАРАДОНА			
				МУЖЕ-НЁК БАБУЛИ											
ГОЛУБОЙ РУЧЕЁК КАК СТАРТ РЕКИ	АТОМ ЭЛЕМЕНТА С ИЗМЕНЕННОЙ МАССОЙ	НА НЕГО ЗАГЛЯДЫВАЕТ СЛУЧАЙНЫЙ ГОСТЬ		<b>3</b>						ДЕСЯТЬ ДНЕЙ В ПОНИМАНИИ БУХГАЛТЕРА	БЕЗГОРБАЯ ВЕРБЛЮДИЦА В АНДАХ	КРОВОЖАДНЫЙ УГОЛОВНИК			
		<b>2</b>		"ПАНЦИРЬ" НА ЗИМНЕМ ОЗЕРЕ						<b>3</b>					
	СТАДИОН ДЛЯ КРУТЯЩИХ ПЕДАЛИ	"ДЕВЯТЬ ГРАММОВ В СЕРДЦЕ"						СЫЩИЦКОЕ ЧУТЬЁ	ДОКТОР В РОМАНЕ Б. ПАСТЕРНАКА						
			ПЕРВЫЙ ТРАНСПОРТ МЛАДЕНЦА	ДОБЫЧА ХОЗЯИНА СПИНИНГА	ВМЯТИНА НА ШЕКЕ ОТ УЛЫБКИ					<b>2</b>	ЛЕТУН-НЕУДАЧНИК ИЗ МИФА				
	КАЧАЕТ КРОВЬ ИЗ САМОГО СЕРДЦА	ОДЕЖОНКА ДЯЛ НОГ						КОП С УЛИЦ РАЗБИТЫХ ФОНАРЕЙ	ЗАЖИВ, ОСТАВЛЯЕТ РУБЕЦ				ЗАЩИТНИК ПОРТА ОТ НАПАДКОВ ВОЛН		
			СЕМЕЙКА ИТАЛЬЯНСКОГО МАФИОЗИ	У ГОРЧИЦЫ - ЖГУЧИЙ				ПРЕСВЯТАЯ ... МАРИЯ	РАМА СО СТЕКЛОМ						
ТИП, УКРАВШИЙ У КЛАРЫ КОРАЛЛЫ	ТАК ЗВАЛИ СВЕРДЛОВА						ПРИБОР С КАТОДОМ И АНОДОМ								
ИЗБРАННИК ПУШКИНСКОЙ ЛЮДМИЛЫ				КУСОЧКИ ТЕСТА В БУЛЬОНЕ					<b>4</b>						
ЯЩЕРИЦА ПОЧТИ С КРОКОДИЛА	СЮЖЕТ ДЛЯ АНЕКДОТА, ВЗЯТЫЙ ИЗ ЖИЗНИ						БОЖОЛЕ, ШАБЛИ, КАГОР								<b>3</b>
<b>1</b>				СКОПИЩЕ ВОРОН ИЛИ ГОЛУБЕЙ					НЕДУГ ОТ СТРЕССА						



## Уркухан МяхИяммадла назмурти

Дила шанти хIушала  
БерхИгъунти сар хIулби,  
СарХели чакаргъунти  
Уршбала пасихI дугъби.

Шанта чеввикIес бала  
Душманти ургав гьалмагъ,  
Урчили чятван вялчIа  
Дагъри агарси ахмах.

Келра цагъунти дирар  
Шантала дабри шанда,  
Херъа, къайцIукIличира  
Цулби агарси, къанда?

ГянручI шалдали бирар  
Дила шантала гIякълу,  
Абад мицIирли кавлан  
ГIяХIти гъубзнала наслу.

Дила шантани кIялгIни  
Алжайзиргъунти луша,  
ГIяламла диги сарху  
Сагъси къуллукъли уршба.

Дила шанта шанда тур  
Ахъбурцу душмантаци,  
Диахъу бархъдешла нур  
Уршба гьалмагъуначи.

Дила шантани бала  
БацI мухIли чIямХебикIни,  
ЧичIа гIямабра гIямал  
Бирни ВагIа уршбани.

Шантас гIямал биалли  
Тур абитIес хIейгахъу,  
АбитIи гIергъи уршба  
Чула цIакъ чебиахъу.

### Бугътанчис

Лига агарси саби,  
Бугътанчи, хIела лезми,  
Гьар бархIи даршличира  
Къыздирул бугъта занзби.

БарХехъ шаладикайчи  
Пикридирули ургуд,  
Савли барХиахъайчи  
ТинтIкадирули ургуд.

ХъанцI хIярХуба нажас, хIу,  
Варг улаван гIямрадли,  
ХIябратIа шанг биринжлин  
ВицIибли цIилимХIяли.

Жявлил битIили бургар,  
Бугътанчи, хIела лига,  
Аллагъ, вебIахъа или  
Чумли дурулил балга.

БекIиб хяван гягIбикIул  
ХIуни хIела лезмила  
ГягI бикъуси виадли  
НягIнайкIади хIед хIура.

ХIед дирути диргала  
Дикъан виадли хIуни,  
Валриливан, къурумсакъ,  
Тудирхъид хIечи хIуни.

Бугътанчи, чинавалра  
Баркат айсан сай, валкIа,  
МицIирли левличиб хIед  
Къулайли бири бекIа.

Хабарагар хайдакълис  
Биркур хабарагар гъан,  
Гъанагар буран хIечи  
БакI гъанагарси балагъ.

Я акIубси, я алкIан  
ЧевадмакIаб хIечивад,  
ХIуван хIярамзадаби  
Бетаралли чузибад.

Нешлира дудуешлира  
Буршули камси лягIнат,  
Жагъаннабла цIализи  
Караби хIу мусаллат.

### Ламус балав эмХели

Гьалли дурашан шаддикъ  
ГъанахIа шаниублив?  
Гьалли хъутнала турут –  
ГIяХIгъабза ветаурлив?

ЧинкIир наркоман виуб,-  
Къияма гьамсадиуб,  
БегIта гиб у уббяхъиб –  
Муслимдеш къудкъудиуб.

Ту нягIна бакIаб хIечи –  
УрХIла къиян буканил,  
НягIна нуни барибси  
ХIурмат зая баркъибил.

БекI бячIун мялгIун бубкIар,  
КIикъялан лезмила бегI,  
Ламус балав эмХели,  
Телагар гIачIила бегI.

Цудара лагъли угъраш  
Гъайала дархъХедалта.  
ДугI хIебемчур гIяргIяли  
Бугътантаци хъул балта.

Халкъ-ургав сунени сай  
ЧевяхIсили чевион,  
Ил сай имцIа цулаван  
Халкълис диргалаулхъан.

Сунна шар шагъли дигул  
Дураша шери хIякъян,  
УрХIлис къугъни дахъ дяча  
ХIурматагарли аркъян.

Магъарла дугъби дуриб  
ХъулмарикIуд гIяХIличи,  
Ту нягIна, дур ибХели  
Висес хIядур дяхIличи.

Сунес цIябси гъуникад  
Вирару халкъ бугъара?  
Сай гъапулли ,сукъурлив  
Гелабад чи аркъяна?

### Пикриухъен, бугътанчи

Ва бугътанчи, хIу – хяли  
ХIебугусира лебсив?  
КъайцIукI хяличиб хIечи  
Агара цугбуцеси.

Балули леб сункили  
СилтIнали бируХели,  
ХIяягарлис хIярла бяхI,

ХIяячис муцарла бяхI.

Набчи бугътан чебушес  
Левсирира хIу кIарза,  
Усал гъабзала пишни,  
Гьаргидирис дягIул унза.

ХIела пишни далтIули  
Чуйнара ира нуни:  
«Сен дазала агарли  
Азан буршуси хIуни?»

ХIела халал ламуслис  
Абхъили юртла унза,  
Ца баз набчив гIяХIялван  
ВихIибсирив, хIярамза?

Телевизорличи хIу  
ХIерикIули валтуси,  
Азан чили, хIед къадин  
Имамдешра дируси.

Огни къайцIбирахъули,  
Аллагъ хъумартурси хIу,  
ХIед таловна кайсахъул  
ХIябра гIяХIси леври ну.

Ну хIевзаниубХели,  
Пужиубла хIу халкълис,  
ВехIихъири набчи хIу  
Бугътантани чеуршес.

Кам бишхъабси хуриван  
ХIела лезми къакIаб беръ,  
Абу Лагъабла мякълаб  
ХIед жагъаннаблаб мер  
баркъ.

Гъанбикахъа, чуйна хIу  
ГIяручI чеваргъахъирил.  
Аллагълис дяхIибала  
ХIела къанХIедиахъес.

ХIела хъули викули,  
Наб хIела ламусуни  
ХъумХIертухIели урги  
ХIу халаирул нуни?

ХIу мехIурвиадли ну  
Абдал виэс гIягIнилив?  
ХIу лихIби халал халли,  
ЦIабикъалари цIалис.

Шаддикъли шагъла хIурмат  
Хъумуртни – се хабара?  
Мабикаб хялис лига  
Архуну шила дура...

ВебкIуран мицIир чIянкIли  
ХIяриривхъан чIинкIирли,  
Бура: балав чеукъни  
Илис жаваб гес гъамли.

Мурт-биалра лявкъядра  
Бугътанчи дила гъала,  
«ХIялалватаба, -- или, -  
Аллагъ багъанданалра».

Нуни хIялалватайчи  
Къабулмаркъаби хIябли,  
Аллагъли бусурмайзи,  
Уматлизи Идбагли.  
Я ишХели, я жагIял,  
Я азир дуслла гIергъи, -

Халмаркъуд хIу, бунагъкар,  
БегIтани уршилизи.

ХIугъуна усал гъабза  
Абалира маркъаб шав,  
АкIаллира хIугъуна  
Къуръан бикIар: ил кавша...

Дила шаб бурала леб:  
«Махъикан адамлизиб  
Агарси гIякълу бирар  
Халал шила хялизиб»

Къанни шакикири хIу  
ХIед чебвицIести ярагъ –  
Назмурти лукIниличи:  
Гъу, гъанна висен, дибягI!

### ЧинкIирлис

ХIера, багъур чIинкIирли  
ГIяраб хIурпразибад «къи»,  
Сунна ша къабулХIериб –  
Ветаур нушаб къади.

Дазала агарлира  
БучIес вехIихъиб акбар.  
Суннатуни хIедире –  
Ма хIед ца гъатIи хабар!

ВебкIурайс зикру биран  
Саб верхIцIали азирла,  
Байхъала биру, викIар: -  
«Биур... илра саб халал».

--Телевизорла къурку,  
Саб дяхIиба замана...  
- Се дяхIибала сари,  
Батурли гIяХIси кино!

ЧинкIирлис дяхIибала  
Сари нукбуннис някъиш,  
ГъайвикIес вехIизалли,  
Нажас, сецад вархъсил ил!

Имам акбар викIусив?  
Хъаркабиру хъяшначи,  
Сай вегI агар чатаван,  
КъайцIвашар дугI шимачи.

Мавлидра гIяжаибси  
БучIа угърашли валлагъ:  
«Жяргаси ва умуси», -  
Сай ил чIинкIирла Аллагъ.

ХIябри мискиндариб ил  
КъяртIилис гъала калта,  
Сунни бикъри дурибта  
Балас, ил хIялал хIелта.

Хялис дабри даралли,  
БикIар хъарларад дуга,  
ГIяХIдеш барибсилличи  
Илван пужХIеруд дяга.

Эгер сунна далкIаби  
Душадли илизи гъан,  
Чебуршу хIечи бугътан –  
Ма гъанна бухен укъен!

Аллагъли бусурмайзи,  
Идбагли уматлизи –  
Нажас хIялалварайчи  
Хъура маркъ сай хIяблизи!

ЧинкIирлисцун гъанбиркур  
БекIлил гъанагар валлагъ,

Гъанагар буран хIечи  
БакI гъанагарси балагъ.

Сунела гъай мардарес  
Къуръанничи някъ бяхъес,  
КIантIивакIиб кIантIибаш:--  
«МехIуррав хъямавикъес».

Ил чIинкIир мяхIшарличи  
ХIябра пашманни кайзес,  
Жагъаннабла цIала кур  
ХIябра зулматла баргес.

### Гечла хинкIла тямата

Далайлара делхълара  
ХIейаслира ну уста,  
ГIяручI жявли алзуси  
Уршира ну Дагъиста.

Мургъилара арцлара  
Кадирхъули кIел къаркъа,  
Алжанализибгъуна  
Лушулра унрас кIялгIя.

БерхИилара хIеблара  
Рангли рурХуси зурХIяб  
Шантала уркIурбачи  
Кадалтахъулра хIяб-хIяб.

Баркаллара кирира  
Дабгили ца дукIлизи  
Аркулира замана  
Кабуцили хункIлизи.

Байрумтира сяхIбатра  
ДигухIели дирХIейрар,  
Юрт мегъли буцес шанта  
Билхъа бирули бирар.

Далайлара делхълара  
ХIейаслира ну уста,  
Сайра гечла хинкIличив  
ИшХIели ну тямата.

\*\*\*\*\*

ХIулбани чебиуси  
Марбирулра нушани,  
Бакъибси хабар къайда –  
Нуша дегIти лихIбани  
Илгъуна сукъурдешли  
Сукъурдарилра цахIнар,  
ЦIубас цIудара или  
Кайсули някъла мажар.  
Къянас къайда марлисра  
Буцили гъала гъуни,  
МарХебирули сарра  
Пагъмукар гьалмагъуни,  
ГъатIира илдас къимат  
Баркаллала мерличиб,  
ХIязла хатир балтулра  
БатIулти умцантачил.  
Я Аллагъ, гIяХIла шайчи  
ДитIакIабагу нуша  
Чебиэсли дунъяла  
ГIяжаибси тамаша...

\*\*\*\*\*

Ту, нягIна масличира –  
Душмандешлис цIакъ луган,  
НягIна бекIдешличира –  
Мас лебтас гъуни луган.

НягIна, къясдеш хIечира  
Ламартличи хъулиркъан,  
НягIна, гъибатличира  
Бугътанчи лягIнатиркъан.



**Некоторым категориям работников упростили досрочный выход на пенсию.**

Пунктом 31 постановления Правительства РФ от 4 марта 2021 г. N 322 внесены изменения в постановление Правительства Российской Федерации от 16 июля 2014 г. N 665 «О списках работ, производств, профессий, должностей, специальностей и учреждений (организаций), с учетом которых досрочно назначается страховая пенсия по старости, и правилах исчисления периодов работы (деятельности), дающей право на досрочное пенсионное обеспечение») следующего содержания:

"31. При исчислении периодов работы, дающей право на досрочное

пенсионное обеспечение в соответствии со статьями 30 и 31 Федерального закона "О страховых пенсиях", в стаж на соответствующих видах работ включаются периоды профессионального обучения и дополнительного профессионального образования работников, которые являются условием выполнения работниками определенных видов деятельности и обязанность проведения которых возложена на работодателя в случаях, предусмотренных федеральными законами и иными нормативными правовыми актами Российской Федерации, в течение которых работник не выполнял ра-

боту, но за ним в соответствии с Трудовым кодексом Российской Федерации и иными нормативными правовыми актами, содержащими нормы трудового права, а также законодательными и иными нормативными правовыми актами СССР и РСФСР, действующими в части, не противоречащей Трудовому кодексу Российской Федерации, сохранялось место работы (должность), средняя заработная плата и за него осуществлялась уплата страховых взносов на обязательное пенсионное страхование."

Таким образом, для учителей, врачей, лётчиков, пожарных, спасате-

лей и ряда других работников в стаж работы, дающий право на досрочную пенсию, будут засчитываться периоды обучения и дополнительного профобразования.

Речь идет об обучении и образовании, которые являются условием выполнения работниками определенных видов деятельности и обязанность проведения которых возложена на работодателя. Главное условие - чтобы в это время за сотрудниками сохранялись рабочие места и зарплата, а работодатели отчисляли за них взносы на обязательное пенсионное страхование.

**Изменились правила проведения экзаменов на вождение.**

Постановлением Правительства РФ от 20 декабря 2019 г. N 1734 в некоторые акты Правительства Российской Федерации по вопросам допуска граждан к управлению транспортными средствами внесены следующие изменения, которые вступили в силу с 1 апреля 2021 года.

Экзамены по-прежнему будут проводиться в теоретической и практической форме. Проверка первоначальных навыков управления транспортным средством, а также умений, которые ранее проверялись на экзаменационной площадке, включена в практический экзамен в условиях дорожного движения. Местами для проведения экзаменов будут выступать закрытые площадки, автодромы и автоматизированные

территории, имеющие твердое покрытие и ограниченные для движения автомобилей и пешеходов тупиковые участки дорог, преимущественно за пределами жилой застройки.

Для проверки выполнения остановки и начала движения на подъеме и на спуске используется наклонный участок, имеющий продольный уклон в пределах 8-16 %. Меняется и перечень проверяемых у кандидата в водители навыков и умений. Определены минимальные и максимальные сроки проведения повторных экзаменов, а также случаи, когда результаты экзамена подлежат аннулированию:

- удовлетворение жалобы кандидата в водители на результат проведения экзамена;

- признание документов (паспорт, медицинское заключение, российское национальное водительское удостоверение, документ, подтверждающий прохождение соответствующего профессионального обучения по программам профессионального обучения водителей транспортных средств соответствующих категорий и подкатегорий, письменное согласие одного из законных представителей несовершеннолетнего кандидата в водители на сдачу им экзамена и выдачу российского национального водительского удостоверения) подложными;

- получение от компетентного органа иностранного государства информации об отсутствии сведений о выдаче иностранного водительского

удостоверения;

- проведение экзамена с нарушением требований.

Требования к самому экзамену станут намного строже.

Список нарушений для начисления штрафных баллов и отправления водителя на пересдачу экзамена увеличивается до 19 пунктов (например, не пристегнутый ремень, разговоры по телефону). При подобных нарушениях экзамен придется сдавать повторно. Повторно сдать экзамен можно будет только через неделю, но не позже 30 дней в том случае если водитель не сдал теорию.

Если же не сдана практика, то пересдача экзамена может быть назначена в период от 7 до 60 дней.

**Упрощен порядок оформления компенсационных выплат лицам, осуществляющим уход за инвалидами или престарелыми гражданами.**

Постановлением Правительства РФ от 27.02.2021 г. № 278 «О внесении изменений в некоторые акты Правительства Российской Федерации» скорректирован перечень документов и сведений, необходимых для назначения выплат.

Ежемесячные компенсационные выплаты полагаются неработающим гражданам, которые ухажива-

ют за инвалидами I группы, а также за престарелыми людьми, которым требуется постоянная помощь или которым исполнилось 80 лет.

Теперь при обращении за выплатами не нужно подтверждать, что гражданин не работает и при этом не получает пособие по безработице или пенсию. Также больше не нужно повторно представлять докумен-

ты для возобновления выплаты при смене места жительства подопечного.

Все необходимые сведения территориальные органы ПФР будут получать в порядке межведомственного информационного взаимодействия.

При уходе за лицом, проживающим в районах Крайнего Севера,

приравненных местностях, районах с тяжелыми климатическими условиями, размер выплаты увеличивается на соответствующий районный коэффициент.

**Прокурор района, старший советник юстиции**

**П. Х. Абакаров**

**Оперативно-профилактическая операция «Дети России-2021»**

В последнее время особое беспокойство в обществе вызывает потребление наркотических средств особенно молодежью. Также широкое распространение приобрело употребление психотропных препаратов, в результате которого под воздействием психотропных веществ наркоза лица совершают тяжкие и особо тяжкие преступления, и другие преступления насильственного характера.

В период времени с 05 по 14.04.2021 г. на территории РД проводится межведомственная комплексная оперативно-

профилактическая операция «Дети России-2021» (первый этап).

Мероприятия проводятся сотрудниками УУП, ПДН, УР ОМВД России по Дахадаевскому району, совместно с представителями КДН и ЗП при МО «Дахадаевский район», здравоохранения, управления образования МО «Дахадаевский район», в целях предупреждения распространения наркомании среди несовершеннолетних, выявления фактов их вовлечения в преступную деятельность, связанную с незаконным оборотом наркотических средств, психотропных веществ, их аналогов

и прекурсоров, новых потенциально опасных психоактивных веществ, а также растений, содержащих наркотические средства или психотропные вещества, либо их прекурсоры, а также повышения уровня осведомленности населения, о последствиях потребления наркотиков и об ответственности за участие в их обороте.

Для контакта в администрации МО «Дахадаевский район» будет функционировать телефоны доверия 89188483639, (88722)55-41-82 на которые Вы можете позвонить и сообщить любую информацию по данной проблеме,

о потребителях наркотических средств, о лицах распространяющих наркотические средства, адреса наркопритонов и адреса изготовления наркотических средств, и.т.д.

Также в случае выявления признаков вышеуказанных фактов просим звонить на номер телефона доверия УКОН МВД по РД 99-49-94, или на номера телефонов отдела полиции по Дахадаевскому району 787-254-2-45-56, 102.

**Начальник ОМВД России по Дахадаевскому району, подполковник полиции**  
**Ахмедов С. А.**



## Шабагъатлабариб

Гъалабван МяхИячкъалализибси ГП-П.Салаватовла уличилси Къумукъла музыкала-драмала театрлизиб «Дубуртала макъамти» ибси фестивалъ бетерхур.

Балбуц дураберкИбсири Дагъиста культура-ла гИяхИтигъунти гИядатуни мяхИкамдирнила ва гъаладяхИ дашахънила мурадличил. Ил дураберкИбсири Дагъистан Республикала культура-ла Министерстволари.

Фестивальличир бутАкьяндеш дариб Ахтыла, Гъунибла, Дахадаевла, Дербентла, Докъузпарила, Къизлярла, Къизилюртла, Къумторкъалала, Лакла,

Лавашала, МяхИрамкентла, Сергокчалала, Тляратала районтала ва Буйнакъсклара МяхИячкъалалара творческий коллективтани ва



музыкала гИягИнихълуми дирхъантани.

Дахадаевла районнизибадти «Разити дяднучАби» ибси ан-

самблъли фестивальличир бутАкьяндеш дариб. ХИязлис ахИен фестивалълис «Дубуртала макъамти» ибси у бедибсира. Халкъла музыкали адамла уркИличи ва рухИличи халаси асарбирусира саби. Илди макъамтазир иргъусиванри дубуртала варачантала макъамти, арцантала далуйти. Илдигъунти музыка зайдиклути сари дубурлантани ризкъила сабухъ бурчухИели, деклар-декларти разидешлара пашмандешлара анЦбукуни кадиркухИели.

Музыкала культурализи белгиси пай кабирхъни ва дубурлантала дурхъати гИядатуни мяхИкамдирни багъандан ансамбль ДР-ла культура-ла Министерстволари «Разити дяднучАби» ансамбль дипломличил шабагъатлабариб.

У. Гъаниева.  
МЦКДЦ-ла методист.

Гъаларван районна багъудила учреждениебазир халкъаниургабси арцантала бархИилис хасдарибти далдуцуни дурадеркИб.

Меусишала школа-дурхИнала анхълизиб арцантас хасбарили дураберкИбси шадлихъличир воспитательтаницуна ахИи, воспитаникунанира бутАкьяндеш дариб.

БиштIатас саби арцанти саби или гъанбикесли бетерхур балбуц. Илдани арцантаци мешути дяхИликалаби дарилри, илди жагала рангдарилри. БиштIатани урцутала гIердирулри ва арцантала гIамри дархли гIердирес къайгъилизибри. Чилирил гIяргIяла дархли гIердирулри.

Арцантацила байрам секъяйда акIахъубсил, илдачила чедетаибти баянти гъаладирхъули, биштIатала

## Арцантаци диги имЦIадирахъули

илдаци диги имЦIадирахъули ва илди мяхИкамдирниличил пикри бяхИчилахъули бехИбихъудла клас-

суназир КВН бархли дураберкИб.

Р. Къурбанова.



## Билхъа дураберкИб

Уркухъла шилизибси районна хаслира илгъуна балбуц дураберкИни балбикибси саби. Юртла хIанчизартани гъар дула хIеблизир билхъаби дурадуркИни гИядатли бетатурли саби.

Пергъиса замана аргъ-бархИила къулайагардешличирли шимала къакъурбазир ва цархИилти мерачир далагардешуни детарухИели,

Апрельла цаиибти бурхИназиб культура-ла учреждениелизиб ва ил-алавти мер-мусаличиб билхъа дураберкИбсири. Культура-ла хIанчизарти цабалги дурабухъун ва бузерилизи ахъиб. Илдани мисал

чебиахъулри камти адантанира халаси хIанчи барес бирнила.

ХИязатти гИягИнихълумира касили, хIанчизартани районна культура-ла Юртла алавси мер жьаргазекълизибадди, дерубти къарлизибадди ва кларзибадди умубариб.

«Дигесли саби вегИли барибси гИяхИси хIанчила хIасилгачи хIерикес. Гъарилли вирусигъуна хIанчи барилри. Культура-ла Юртла алавси къугъали кабизахъурси мерли цархИилталара уркИби разидирахъули сари», - буриб шимиургабси централизованний культура-ла-бамсриихънила ценрла методист Умайгъанат Гъаниевани.

Илкъяйдали гИяхИси гъавличил ва иштяхИличил хIанчи дурадеркИб культура-ла хIанчизартани. Илдала баркъуди гIебасеси саби цархИилти учреждениебанира организациябанира.



БелчIудила 2007 – 2008-ибил дуслизиб Иракъила урга даражала школалари ГИяммаев Дауд Рабазановичлис бедибси ва беткахъибси урга даражала таманахIенси хълчилибиубси цахИнабси багъуди каснила хIекълизибси С 05 ББ 0073822 номерличилси аттестат гъарли-марси ахIенсиллизи халбарес.

# ШИЛА ГИЯМРУ

## СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel7@mail.ru](mailto:inf.otdel7@mail.ru)

Тел: 55-40-71

1931-ибил дусличибад дурабулхъуси саби

Газета 2009 ибил дула декабрьла 28-личиб массовая коммуникациябала, бархбасла ва культураласи букъур мяхИкамбирнила шайчиб хIеруди бузахъуси Федеральная служба ДР-лизибси Управлениелизиб белкIунси саби. ПИ № ТУ 5-0047

Газета дурабулхъуси саби жумягI бархИи.

Дусли 52-на дурабулхъан.

Индекс -- 63314

Печатьлизи къулбасбарес

кабизахъурси замана -- 16.00.

Печатьлизи къулбасбарибси замана -- 16.00.

Редакциялизи дархъибти белкIанас рецензия лукIуси ахIен, я илди чула бегIгачи чардирути ахIен.

Газетализи кадирхъути материалтала автортала пикрумачил редакцияла пикри цугхIебикесра асубиар

ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабахъибси саби.

Адрес: 367018 МяхИячкъалала шагъар, Насрудиновла уличился къакъа, 61

Автортани чула материалтала хIекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, ГИ. ГИялиевла уличился къакъа, 9 «а»

ТИРАЖ –800 экз

БекI редактор

Чапарова М. М.

Редактор

Курбанова П. О.